

Mjera Tražim poslodavca 2025 od 12.5.2025. godine

(Sarajevo, 28.4.2025. godine) – Federalni zavod za zapošljavanje obavještava fizičke osobe registrirane na evidenciji nezaposlenih u Federaciji BiH da će Javni poziv za učešće u mjeri Tražim poslodavca 2025 biti otvoren 12, 13. i 14.5.2025. godine u periodu od 8 do 16 sati. Online obrazac za apliciranje TP1 bit će dostupan na web portalu Federalnog zavoda za zapošljavanje (www.fzzz.ba) u rubrici *Projekti*. Apliciranje poslodavaca putem online obrasca TP2 (kao drugi korak u realizaciji programa), a koji će također biti dostupan na web portalu Zavoda u meniju *Projekti*, bit će omogućeno od 15.5.2025. godine. Ova mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije objave Javnog poziva, bez obzira na radno iskustvo, dob i stručnu spremu, uz zasnivanje radnog odnosa na period od šest (6) mjeseci ili dvanaest (12) mjeseci. Cilj ove mjere, koja je fokusirana na nezaposlene osobe, jeste da se nezaposlenim osobama olakša integracija na tržištu rada i spriječi dugotrajna nezaposlenost, te da se pojača njihova motivacija i aktivnost u traženju posla. **VAŽNA NAPOMENA: Ističemo da su fizičke osobe, kao preduslov za učešće, u obavezi registrirati se na web portalu Zavoda najkasnije do 5.5.2025. godine (ukoliko to do sada nisu učinili). Poslodavci su u obavezi registrirati se najmanje dan prije podnošenja zahtjeva putem online obrasca TP2. Korisnici koji su se ranije registrirali ne moraju to ponovo činiti, ali preporučujemo da na vrijeme provjere da li je njihov profil aktivan te da li su svi uneseni podaci još uvijek aktuelni. U slučaju poteškoća prilikom registracije na web portal Zavoda upiti se mogu slati na mail adresu: registracije@fzzz.ba**

Više detalja o ovoj mjeri, načinu apliciranja i realizaciji dostupno je u rubrici Projekti.